



UNIVERSITÄTS-
BIBLIOTHEK
PADERBORN

Universitätsbibliothek Paderborn

Manuale Sodalitatis B. Mariae Virginis. siue Exercitium Spirituale Christianae Pietatis

Véron, François

Coloniae Agrippinae, 1505 [i. e. 1605]

7. Ratio brevis commendandi se B. virg.

[urn:nbn:de:hbz:466:1-46577](https://nbn-resolving.org/urn:nbn:de:hbz:466:1-46577)

*Pudor &
verecūdia
eius in om-
nibus.*

Quid quod annis quoque omnia
ibat in Hierusalem solempni die Paschæ, &
ibat cum Ioseph? Vbi que in virgine comes
singularum virtutum est pudor. Hic indi-
viduus debet esse virginitati, sine quo non
potest esse virginitas. Nec ad templum igitur
Maria sine pudoris sui custode procef-
sit.

*Conclusio.
Mariæ vi-
ta omnium
esse debet
disciplina.*

Talis denique fuit Maria, vt eius vnus
vita omnium disciplina sit. Si igitur auctor
non displicet, opus probemus, vt quicun-
que eius optat præmium, imitetur exem-
plum. Haftenus B. Ambrosius.

PARS SEPTIMA.

*Ratio brevis, & efficax commendandi se
B. Virgini, crebrò à bonis Sodali-
bus instituenda.*

F Acto signo Crucis, ac mente, corpo-
reque ad Orationem composito, ima-
ginabor B. Mariam coram me positam, ac
omninò paratissimam ad indigentiam, &
paupertatē meam subleuandam; si modò
illi me gratum præstitero, ac eam feruide
quicquid oportuerit, rogauero.

G Ratias itaque illi agam de cunctis be-
neficiis, quæ illa mihi à Christo im-
petra-

petrauit; præcipuè verò de iis, quæ peculiari-
ter intelligo me ipsius intercessione ob-
tinuisse; qualia sunt; maior feruor & deuotio,
maior affectus erga res sacras, studium
virtutum; humilitatis cum primis, castita-
tis, mansuetudinis, Caritatis, Sobrietatis;
ardentius desiderium promouendæ meæ
salutis, & aliorum: præclarius ingenium,
memoria felicior, intellectus acutior, dili-
gentia maior in studiis, & eiusmodi, quæ,
ab dato nomine eius Congregationi, au-
tè esse in me video & sentio.

Totum illi me tradam, atque offeram,
orans vt mei tutelam, patrociniùmque sus-
cipere, meque suo præsidio munitum, ab
omni tum animæ, tum corporis periculo
rueri dignetur.

Aliqua beneficia pro me, cæterisque
proximis meis petam, vel certè conserua-
ri, & augeri rogabo; præsertim vt mihi à
suo filio profundam humilitatem, purissi-
mam castitatem, & in recto virtutis itinere
profectum, ac perseverantiam impètet:
præterea vt nonnihil doloris illius mihi
impertiat, quem ex filij cruciatibus cepit:
præparationis etiam atque ardoris scintil-
lam, quo Sacram Eucharistiam post Ascen-
sionem Domini nostri sumebat. Denique
augmentum deuotionis, & affectus erga
eandem sanctissimam virginem. Hæc au-
tem

tem

tem beneficia per septem eius gaudia, doloresque totidem petam, quibus est affectandum viueret.

Oratio, quæ à singulis Sodalibus recitari potest, pro perseuerantia in cultu Dei, & B. Virg. Mariæ impetranda.

DEus, qui nos sub alis sanctissimæ matris filij tui constitutos ad brauium supernæ vocationis accendis, pectoribus nostris purificandis illabere, & gratiam nobis, qua in te, & seruitio eiusdem sacratissimæ virginis Mariæ perseueremus, infunde; vt protectionis vestræ muniti præsidii, quod te, Domine, donante promissimus, impleamus; & nostri propositi executores effecti, ad ea, quæ perseuerantibus in te, promittere dignatus es, pertingamus.

Alia Oratio.

BEATÆ, & gloriosæ, semperque Virginis Mariæ, quæsumus Domine, intercessio gloriosa nos protegat, & ad vitam perducatur æternam. Per Christum Dominum nostrum. Amen.

PARS